

কমপিউটার জগতের খবর

বাংলাদেশে কারখানা করছে স্যামসাং

বিশ্বের শীর্ষস্থানীয় ইলেকট্রনিক্স ব্র্যান্ড স্যামসাং বাংলাদেশীদের হাতে সাশ্রয়ী মূল্যে পণ্য তুলে দিতে নরসিংদীতে একটি ম্যানুফ্যাকচারিং প্লান্ট করছে। এই উদ্যোগে স্যামসাংয়ের সাথে থাকছে ফেয়ার ইলেকট্রনিক্স লিমিটেড।

শিল্পমন্ত্রী আমির হোসেন আমু সম্প্রতি নরসিংদীর শিবপুর উপজেলার কামারগাঁওয়ে ১৬ একর জায়গার ওপর এই কারখানার ভিত্তিফলক উন্মোচন করেছেন। এই কারখানায় টিভি, রেফ্রিজারেটর, এসি, মাইক্রোওয়েভ ওভেন ও

পরিবেশ রয়েছে। এ প্লান্টে ১০০ মিলিয়ন মার্কিন ডলার বিনিয়োগ করা হচ্ছে। বাংলাদেশী ক্রেতারা সাশ্রয়ী মূল্যে স্যামসাং পণ্য কিনতে পারবে। তিন হাজার কর্মসংস্থানের সুযোগ হবে এখানে। এই প্লান্টকে আনুষ্ঠানিকভাবে বেসরকারি হাইটেক পার্ক ঘোষণা করেন তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক।

অনুষ্ঠানে স্যামসাং ইলেকট্রনিক্স বাংলাদেশের ব্যবস্থাপনা পরিচালক স্যাংওয়ান ইউন বলেন, নরসিংদীতে স্যামসাংয়ের এই উৎপাদন



ওয়াশিং মেশিন প্রস্তুত করা হবে। উদ্যোক্তারা বলছেন, স্যামসাংয়ের দক্ষিণ কোরিয়ার প্রযুক্তিগত সহায়তায় এখানকার সব পণ্য প্রস্তুত করা হবে।

সাড়ে ৭ লাখ ক্ষয়ার ফুটের এই প্লান্ট থেকে বছরে ৪ লাখ রেফ্রিজারেটর, ২ লাখ ৫০ হাজার মাইক্রোওয়েভ ওভেন, ১ লাখ ২০ হাজার এসি, ২ লাখ টিভি ও ৫০ হাজার ওয়াশিং মেশিন তৈরি হবে।

প্লান্টটি উদ্বোধন করে শিল্পমন্ত্রী বলেন, বিশ্বখ্যাত স্যামসাং প্লান্ট স্থাপনের মাধ্যমে প্রমাণিত হয়েছে বাংলাদেশে ভালো বিনিয়োগ

ইউনিটটি বাংলাদেশের প্রেক্ষিতে কর্মসংস্থান সৃষ্টি, রাজস্ব বৃদ্ধি এবং ভবিষ্যতের ব্যবসায় উন্নয়নে গুরুত্বপূর্ণ ভূমিকা রাখবে। ফেয়ার ইলেকট্রনিক্স লিমিটেডের ব্যবস্থাপনা পরিচালক রুহুল আল মাহবুব বলেন, এটি আমাদের দেশের সবচেয়ে বড় প্রযুক্তিভিত্তিক ইন্ডাস্ট্রি হবে। স্যামসাং মেশিনারি, প্রযুক্তি ও মান নিয়ন্ত্রণ প্রক্রিয়ার মাধ্যমে আমরা গ্রাহকদের সাশ্রয়ী মূল্যে স্যামসাংয়ের আন্তর্জাতিক মানের পণ্য তুলে দেয়ার নিশ্চয়তা দিচ্ছি।

আইজ্যাকের উপদেষ্টা বোর্ডের সভাপতি পলক

বাংলাদেশে আইজ্যাকের উপদেষ্টা বোর্ডের সভাপতির দায়িত্ব পাচ্ছেন আইসিটি প্রতিমন্ত্রী জুনাইদ আহমেদ পলক। সম্প্রতি রাজধানীর আগারগাঁওয়ের বিসিসি ভবনে আইসিটি বিভাগে আয়োজিত এক চুক্তি স্বাক্ষর অনুষ্ঠানের মাধ্যমে তিনি এ দায়িত্ব বুঝে নেন। আইজ্যাক হলো উচ্চশিক্ষা প্রতিষ্ঠানের ছাত্র ও সদ্য স্নাতকদের দিয়ে পরিচালিত একটি অরাজনৈতিক, স্বাধীন ও অলাভজনক আন্তর্জাতিক প্রতিষ্ঠান। আইজ্যাক বিশ্বের তরুণ নেতৃত্ব উন্নয়নের ক্ষেত্রে একটি শীর্ষ প্রতিষ্ঠান। তারুণ্যের সম্ভাবনা উন্নয়নের স্বার্থে সারা বিশ্বে প্রায় ১২২টি দেশে কাজ করে যাচ্ছে আইজ্যাক। তরুণ নেতৃত্ব উন্নয়নের জন্য একটি মজবুত ভিত্তি তৈরি করার



ওপর জোর দিচ্ছে প্রতিষ্ঠানটি। আইজ্যাক তরুণদের বিশ্ব নাগরিক হওয়ার সুযোগ তৈরি করে দিচ্ছে, যারা বিশ্বকে নতুন করে সাজাবে এবং নতুন অভিজ্ঞতা ও দক্ষতা অর্জন করবে। প্রতিমন্ত্রী জুনাইদ আহমেদ পলক বলেন, আইজ্যাকের একটি গুরুত্বপূর্ণ অংশ হতে পেরে আমি সত্যি সম্মানিত বোধ করছি। সারা বিশ্বে বাংলাদেশকে একটি ডিজিটাল দেশ হিসেবে উপস্থাপন করার জন্য নিরন্তর কাজ করে যাচ্ছে আমাদের সরকার এবং নিশ্চিতভাবে এটি বিশ্বকে 'গ্লোবাল ভিলেজ'-এ রূপ দেয়ারই একটি অংশ। আর এটা সম্ভব হবে তখনই, যখন আমরা আমাদের দেশের তারুণ্যের সম্ভাবনাকে কাজে লাগাতে পারব এবং আমাদের উদ্ভাবনী প্রকল্পগুলোতে তরুণদের কাজ করার সুযোগ করে দিতে পারব। আমরা তারুণ্যের ক্ষমতায়নে বিশ্বাস করি এবং আমরা আরও বিশ্বাস করি তরুণরাই হলো জাতির ভবিষ্যৎ নির্মাতা।

বাংলাদেশে ইন্টারনেট ব্যবহারকারীর সংখ্যা ৭ কোটি ছাড়াল

বাংলাদেশে সক্রিয় ইন্টারনেট ব্যবহারকারীর সংখ্যা ৭ কোটি ছাড়িয়ে গেছে। গত এপ্রিল মাসের হিসাবে এই মাইলফলক পার করেছে বলে জানিয়েছে টেলিযোগাযোগ নিয়ন্ত্রক সংস্থা-বিটিআরসি। সংস্থাটির হিসাবে ৩১ মে পর্যন্ত দেশে মোট ইন্টারনেট গ্রাহক ৭ কোটি ২০ লাখ ও মোট মোবাইল ফোন ব্যবহারকারীর সংখ্যা ১৩ কোটি ৫০ লাখ।

এই ৭ কোটি গ্রাহকের মধ্যে ৯৩.৬৯ শতাংশ মোবাইলের মাধ্যমে ইন্টারনেট ব্যবহার করেন। এ ছাড়া ৬.১৭ শতাংশ ইন্টারনেট সার্ভিস প্রোভাইডার (আইএসপি) ও ০.১৪ শতাংশ ওয়াইম্যাক্স অপারেটরদের গ্রাহক। মোবাইল ফোন অপারেটরদের মধ্যে গ্রামীণফোনের মোট ইন্টারনেট গ্রাহক ২ কোটি ৯৬ লাখ, রবি ও এয়ারটেলের ২ কোটি ১৮ লাখ, বাংলালিংকের ১ কোটি ৫৫ লাখ ও টেলিটকের ৪ লাখ ৪৮ হাজার।

দেশে বিদ্যমান ওয়াইম্যাক্স অপারেটর বাংলাদেশের মোট ইন্টারনেট ব্যবহারকারীর সংখ্যা ৪৫ হাজার ৫৫১ এবং ওপর ওয়াইম্যাক্স অপারেটর কিউবির মোট ইন্টারনেট ব্যবহারকারীর সংখ্যা ৩৬ হাজার ৫৫৯। এ ছাড়া সরকারি প্রতিষ্ঠান বাংলাদেশ টেলিকমিউনিকেশন কোম্পানি লিমিটেডের (বিটিসিএল) মোট ইন্টারনেট ব্যবহারকারীর সংখ্যা ২১ হাজার ২১ জন।

ফেসবুক লাইভের মাধ্যমে কনটেন্ট প্রচার করছে টেন মিনিট স্কুল

জেএসসি থেকে শুরু করে বিশ্ববিদ্যালয় পর্যন্ত শিক্ষার্থীদের জন্য মানসম্মত এডুকেশন কনটেন্ট প্রচার করছে রবি-টেন মিনিট স্কুল। ফেসবুকের লাইভ ফিচারটি ব্যবহার করে দেশজুড়ে লাখ লাখ শিক্ষার্থীর কাছে পৌঁছে যাচ্ছে এই প্ল্যাটফর্মটি। রবি-টেন মিনিট স্কুলের প্রতিটি ডিজিটাল ক্লাসরুমে কমপক্ষে ১৫ হাজার শিক্ষার্থী অংশ নেয়। রসায়নের নানা বিক্রিয়া, গণিতের বিভিন্ন কঠিন ধারণা বোঝানো বা দৈনন্দিন জীবনের সাথে পদার্থবিজ্ঞানের সম্পর্ক ইত্যাদি বিষয় নিয়ে আলোচনা করে প্ল্যাটফর্মটি। প্ল্যাটফর্মটির সবচেয়ে তাৎপর্যপূর্ণ দিক হচ্ছে এটি শিক্ষক-শিক্ষার্থীর মধ্যে সম্পর্কের ধারণায় পরিবর্তন এনেছে। প্রথাগত প্রক্রিয়া ভেঙে শিক্ষক-শিক্ষার্থীদের মাঝে কোনো নির্দিষ্ট বিষয় নিয়ে মুক্ত আলোচনার সুযোগ এনেছে রবি-টেন মিনিট স্কুল। লাইভ টেলিকাস্ট চলাকালে শিক্ষার্থীরা চ্যাটরুমে তাদের প্রশ্ন বা ভাবনা শিক্ষকের কাছে তুলে ধরতে পারে, যার উত্তর শিক্ষকরা সাথে সাথে দিয়ে থাকেন।

চলতি বছর বার্সেলোনায় অনুষ্ঠিত মোবাইল ওয়ার্ল্ড কংগ্রেসে সম্মানজনক গ্লোবাল মোবাইল অ্যাওয়ার্ডস অর্জন করেছে যুগান্তকারী এই প্ল্যাটফর্মটি। 'বেস্ট মোবাইল ইনোভেশন ফর এডুকেশন অ্যান্ড লার্নিং ক্যাটাগরিতে অ্যাওয়ার্ডটি অর্জন করেছে রবি-টেন মিনিট স্কুল।

গুগলকে ২৭০ কোটি মার্কিন ডলার জরিমানা!

সার্চ ইঞ্জিন গুগল এবার রেকর্ড পরিমাণ জরিমানার কবলে পড়েছে। ব্লুমবার্গ এক প্রতিবেদনে জানিয়েছে, সম্প্রতি গুগলকে ২৭০ কোটি মার্কিন ডলার জরিমানা করেছে ইউরোপীয় ইউনিয়নের (ইইউ) কম্পিটিশন কমিশন। ইইউ নিয়ন্ত্রকেরা বলছেন, নিজেদের কম্পিয়ারিজন-শপিং সার্ভিসের স্বার্থে সার্চ রেজাল্ট কারসাজি করায় গুগলকে ইউরোপে এই জরিমানা গুনতে হচ্ছে। এ ধরনের অভিযোগে ইতোপূর্বে কোনো কোম্পানিকে এত বিশাল অঙ্কের জরিমানা করা হয়নি।

গুগলের বিরুদ্ধে অভিযোগ- ইন্টারনেটে কোনো কিছু অনুসন্ধানের ক্ষেত্রে অর্থাৎ 'সার্চ ইঞ্জিন' হিসেবে গুগলের যে প্রাধান্য, তার সুযোগ নিচ্ছে তারা। বলা হয়, লোকে ইন্টারনেটে কোনো জিনিস কিনতে গেলেই 'গুগল শপিং' নামে একটি সার্ভিস তাদের নিজেদের পছন্দমতো তৈরি করা তালিকাকে সবার আগে ক্রেতার সামনে তুলে ধরছে। কিন্তু কৌশলে এটা করে যাচ্ছিল গুগল। এ জন্য তারা ব্যবহার করছে গুগল শপিং নামে একটি সেবা। ইউরোপীয় ইউনিয়নের প্রতিযোগী কমিশনার মার্গারেট ওয়েস্টগার জানিয়েছেন, গুগল যা করেছে তা ইইউ অ্যান্টিট্রাস্টের নিয়ম অনুযায়ী অবৈধ। শপিং সার্চ রেজাল্টে কারসাজি ও নিজেদের পণ্য সার্চ রেজাল্টের ওপরের দিকে অনৈতিকভাবে প্রদর্শন করায় তাদের এ রেকর্ড পরিমাণ জরিমানার মুখে পড়তে হচ্ছে। ইইউ আরও জানায়, গুগলকে ৯০ দিনের মধ্যে এই জরিমানার অর্থ দিতে হবে। না দিলে জরিমানা আরও বাড়তে পারে।

নিউজফিডের অ্যালগরিদমে পরিবর্তন আনছে ফেসবুক

ফেসবুক তার ভুয়া ও চাঞ্চল্যকর লিঙ্ক ছড়ানো ঠেকাতে নিউজফিডের অ্যালগরিদমে পরিবর্তন নিয়ে আসছে। সম্প্রতি ২০০ কোটি ব্যবহারকারী ছাড়াও বিশ্বের সবচেয়ে বড় সোশ্যাল মিডিয়া প্ল্যাটফর্মটি দীর্ঘদিন ধরেই স্প্যামের বিরুদ্ধে লড়াই করে আসছে। তবে সবশেষ মার্কিন নির্বাচনে ভুয়া খবর ছড়ানো ও জনমতে প্রভাব বিস্তারের ফলে এই লড়াই জোরদার করেছে তারা। ফেসবুক নিউজফিডের অ্যালগরিদমের ভিত্তিতে ঠিক হয় ব্যবহারকারীরা বন্ধু, বিজ্ঞাপনদাতা ও অন্যান্য উৎসের পোস্টগুলো দেখবে। ফেসবুক জানিয়েছে, অ্যালগরিদমে নতুন এই পরিবর্তনের ফলে 'একটি ছোট গোষ্ঠী'র প্রভাব কমে যাবে, যারা প্রতিদিন নিম্নমানের পাবলিক পোস্ট প্রদান করে। যারা দিনে ৫০টির বেশি পোস্ট দেয়, তারাই এই শ্রেণীতে পড়ে যারা মোট ব্যবহারকারীর মাত্র ০.১ শতাংশ। অ্যালগরিদমের পরিবর্তনে শুধু অতিরিক্ত লিঙ্ক শেয়ারই নিউজফিড থেকে সরে যাবে, ছবি কিংবা অন্যান্য পোস্ট নিউজফিড থেকে সরানো হবে না।

বঙ্গবন্ধু স্যাটেলাইট পরিচালনায় কোম্পানি হচ্ছে

দেশের প্রথম স্যাটেলাইট 'বঙ্গবন্ধু স্যাটেলাইট-১' সুষ্ঠুভাবে পরিচালনার জন্য বাংলাদেশ কমিউনিকেশন স্যাটেলাইট কোম্পানি (বিসিএসসি) লিমিটেড গঠনের প্রস্তাব অনুমোদন করেছে মন্ত্রিসভা। সচিবালয়ে সম্প্রতি প্রধানমন্ত্রী শেখ হাসিনার সভাপতিত্বে মন্ত্রিসভার নিয়মিত বৈঠকে এ অনুমোদন দেয়া হয়। বৈঠক শেষে মন্ত্রিপরিষদ সচিব মোহাম্মদ শফিউল আলম সাংবাদিকদের এ অনুমোদনের কথা জানান। মন্ত্রিপরিষদ সচিব বলেন, দেশের প্রথম উপগ্রহ বঙ্গবন্ধু স্যাটেলাইট-১ খুব শিগগিরই মহাকাশে যাত্রা শুরু করবে এবং বাংলাদেশ স্যাটেলাইট ক্লাবে যোগদান করতে যাচ্ছে। এটি পরিচালনার জন্য একটি কোম্পানি গঠন করার সিদ্ধান্ত নেয়া হয়েছে। ডাক ও টেলিযোগাযোগ মন্ত্রণালয় স্থানীয়ভাবে বঙ্গবন্ধু স্যাটেলাইট-১ পরিচালনা করার জন্য একটি কোম্পানি গঠনের প্রস্তাব



করে। পাঁচ হাজার কোটি টাকার অনুমোদিত মূলধন নিয়ে কোম্পানিটি গঠন করা হবে জানিয়ে মন্ত্রিপরিষদ সচিব বলেন, এর ৫০০ কোটি শেয়ার হবে এবং প্রতিটি শেয়ারের মূল্য হবে ১০ টাকা। মোহাম্মদ শফিউল আলম বলেন, প্রস্তাবিত কোম্পানির জন্য ১১ সদস্যের কমিটি থাকবে এবং সদস্যদের সবাই হবেন সরকারি কর্মচারী। ডাক ও টেলিযোগাযোগ সচিব, বিসিএসসি লিমিটেডের চেয়ারম্যান এবং এর ব্যবস্থাপনা পরিচালক সদস্য সচিব হিসাবে কাজ করবেন। তিনি বলেন, কোম্পানির অন্যান্য পরিচালক হবেন ডাক ও টেলিযোগাযোগ মন্ত্রণালয়ের অতিরিক্ত সচিব, অর্থ, তথ্য ও প্রতিরক্ষা মন্ত্রণালয়, সশস্ত্র বাহিনী বিভাগের প্রতিনিধিবৃন্দ, স্পারসোর চেয়ারম্যান, বাংলাদেশ টেলিকমিউনিকেশন কোম্পানি লিমিটেডের মহাপরিচালক এবং সরকার মনোনীত দু'জন ব্যক্তি।

স্মার্ট টেকনোলজিসের সাথে প্রযুক্তি সাংবাদিকদের মতবিনিময়

গত ১৯ জুন রাজধানীর একটি হোটেলে দেশের তথ্যপ্রযুক্তি সাংবাদিকদের সাথে দেশের শীর্ষস্থানীয় তথ্যপ্রযুক্তি পণ্য পরিবেশক প্রতিষ্ঠান স্মার্ট টেকনোলজিস (বিডি) লিমিটেডের মতবিনিময় সভা ও সাংবাদিকদের সম্মানে ইফতার পার্টির আয়োজন করা হয়। এই ইফতার পার্টিতে স্মার্ট টেকনোলজিসের পক্ষ থেকে প্রতিষ্ঠানটির পণ্যের সবশেষ অবস্থা তুলে ধরা হয়। উক্ত ইফতার পার্টির আয়োজনে উপস্থিত ছিলেন স্মার্ট টেকনোলজিসের পরিচালক জাফর আহমেদ, মহাব্যবস্থাপক মুজাহিদ



আল বেরুনী সৃজন ও প্রতিষ্ঠানটির পণ্য ব্যবস্থাপকগণ। অনুষ্ঠানে স্মার্ট টেকনোলজিসের পরিচালক জাফর আহমেদ বলেন, সম্প্রতি স্মার্ট টেকনোলজিসের বহুরে যুক্ত হয়েছে বিশ্বখ্যাত স্পিকার উৎপাদনকারী প্রতিষ্ঠান মাইক্রোল্যাবের স্পিকার। স্মার্ট টেকনোলজিস পৃথিবীর ৫০টির বেশি ব্র্যান্ডের দেশীয় পরিবেশক। অনুষ্ঠানে মুজাহিদ আল বেরুনী বলেন, সারাদেশে স্মার্টের পণ্য পরিবেশন করেন দুই হাজারেরও বেশি ডিলার। যেকোনো স্মার্টের পণ্য দেশব্যাপী পরিবেশন করে উদ্যোক্তা হয়ে উঠতে পারেন। এ জন্য আমাদের পক্ষ থেকে প্রয়োজনীয় সব ধরনের সহযোগিতা করা হবে।

দেশে স্টার্টআপ কালচার গড়ে উদ্যোগ নেয়া হয়েছে : পলক

দেশে একটি স্টার্টআপ কালচার গড়ে তোলার জন্য স্টার্ট বাংলাদেশ উদ্যোগ নেয়া হয়েছে বলে জানিয়েছেন আইসিটি প্রতিমন্ত্রী জুনাইদ আহমেদ পলক। সম্প্রতি রাজধানীর আগারগাঁও আইসিটি টাওয়ারে 'ন্যাশনাল এক্সিবিশন ফর স্টার্টআপ বাংলাদেশ' শীর্ষক এক সেমিনারে তিনি এ কথা বলেন। পলক বলেন, প্রধানমন্ত্রী শেখ হাসিনার নেতৃত্বে ও সজীব ওয়াজেদ জয়ের দিকনির্দেশনায় আমরা দেশে একটি স্টার্টআপ কালচার গড়ে তোলার জন্য স্টার্ট বাংলাদেশ উদ্যোগ নিয়েছি। আইসিটি প্রতিমন্ত্রী বলেন, তরুণ উদ্ভাবকদের উৎসাহিত করতে তথ্য ও যোগাযোগ প্রযুক্তি বিভাগ



আইডিয়া তথা উদ্ভাবন ও উদ্যোক্তা উন্নয়ন একাডেমি প্রকল্প গ্রহণ করা হয়েছে। এই প্রকল্পের আওতায় স্টার্টআপের আর্থিক সহায়তা ছাড়াও কো-ওয়ার্কিং স্পেস, মেন্টরিং, স্টার্টআপ প্রশিক্ষণের ব্যবস্থা রয়েছে। এ ছাড়া দেশের নির্মায়মাণ ২৮টি হাইটেক ও সফটওয়্যার টেকনোলজি পার্কে স্টার্টআপদের জন্য ডেডিকেটেড ফ্লোরও থাকবে। তিনি বলেন, বিশ্ব স্টার্টআপ মানচিত্রে বাংলাদেশ অচিরেই জায়গা করে নেবে। বাংলাদেশ কমপিউটার কাউন্সিলের নির্বাহী পরিচালক স্বপন কুমার সরকারের সভাপতিত্বে অনুষ্ঠানে শাহজালাল বিজ্ঞান ও প্রযুক্তি বিশ্ববিদ্যালয়ের অধ্যাপক মুহাম্মদ জাফর ইকবাল বক্তব্য রাখেন। জাফর ইকবাল বলেন, আমাদের তরুণদের মেধা ও উদ্ভাবনী ক্ষমতা অসাধারণ। সহযোগিতা পেলেই তারা অনেকখানি এগিয়ে যেতে পারবে।

চীনে সবচেয়ে দ্রুতগতির সুপার কমপিউটার

চীনের সানওয়ে তাইহুলাইট ও তিয়ানহে-২ বিশ্বের সবচেয়ে দ্রুতগতির সুপার কমপিউটার হিসেবে প্রথম ও দ্বিতীয় স্থান ধরে রেখেছে। বছরে দুইবার গতির বিচারে সেরা ৫০০ সুপার কমপিউটার তালিকা প্রকাশ করে 'টপ ৫০০' নামের প্রতিষ্ঠান। জার্মান ও মার্কিন বিশেষজ্ঞদের সাহায্য নিয়ে লিনপ্যাক বেঞ্চমার্কে জরিপ চালিয়ে প্রতিবেদন প্রকাশ করে টপ ৫০০। সম্প্রতি নতুন তালিকা প্রকাশ করা হয়েছে। চীনের সানওয়ে তাইহুলাইটকে বিশ্বের সবচেয়ে দ্রুতগতির ও শক্তিশালী গণনাকারী কমপিউটার যন্ত্র হিসেবে উল্লেখ করেছে টপ ৫০০। গত বছরের জুন মাস থেকে বিশ্বের সবচেয়ে দ্রুতগতির কমপিউটার হিসেবে স্থান দখল করে রেখেছে তাইহুলাইট।

ফোর টায়ার ডাটা সেন্টারের নকশা অনুমোদন



ডাটা সেন্টারের হোস্টিং ক্যাপাসিটি বাড়াতে, সরকারি বিভিন্ন গুরুত্বপূর্ণ ডাটা/নথি সংরক্ষণ ও সুরক্ষিত রাখতে এবং জাতীয় ই-সেবা সিস্টেমের মাধ্যমে নাগরিক সেবা দ্রুত ও নিশ্চিত করার লক্ষ্যে গাজীপুরের কালিয়াকৈরের বঙ্গবন্ধু হাইটেক সিটি প্রাঙ্গণে গড়ে তোলা হচ্ছে 'ফোর টায়ার ডাটা সেন্টার'। সম্প্রতি যুক্তরাষ্ট্রের আপটাইম ইনস্টিটিউট ফোর টায়ার ডাটা সেন্টারের ডিজাইন অনুমোদন দেয়। এই অনুমোদনের ফলে ডাটা সেন্টার স্থাপনে একধাপ অগ্রগতি হলো, যা আপটাইম ইনস্টিটিউট থেকে টায়ার ফোর গোল্ড ফল্ট টলারেন্ট সার্টিফিকেশন অর্জনের মাধ্যমে সমাপ্তি হবে বলে আশা করা যাচ্ছে। বিষয়টি নিয়ে আইসিটি প্রতিমন্ত্রী জুনাইদ আহমেদ পলক বলেন, প্রধানমন্ত্রীর সুদৃঢ় নেতৃত্বে ও প্রধানমন্ত্রীর আইসিটিবিষয়ক উপদেষ্টার সার্বিক তত্ত্বাবধানে দিনে দিনে ডিজিটাল বাংলাদেশের কলেবর বাড়ছে। আর সাথে সাথে পাল্লা দিয়ে বাড়ছে বেশি পরিমাণে ডাটা সংরক্ষণের প্রয়োজনীয়তাও। এই বাড়তি চাহিদা মেটাতে আমরা কালিয়াকৈরের বঙ্গবন্ধু হাইটেক সিটিতে টায়ার ফোর মানের ডাটা সেন্টার স্থাপন করছি। এই ডাটা সেন্টারে সরকারি ডাটার পাশাপাশি আমরা সীমিত আকারে বেসরকারি ডাটাও হোস্ট করব। আর নিরাপত্তার বিষয়টি নিশ্চিত করবে আপটাইম ইনস্টিটিউট। টায়ার ফোর মানের সার্টিফিকেশন দেয়ার আগে আপটাইম ইনস্টিটিউট সব ধরনের নিরাপত্তা ব্যবস্থা নিশ্চিত করবে।

'ফোর টায়ার ডাটা সেন্টার' প্রকল্পের আওতায় দেশে একটি সমন্বিত ও বিশ্বমানের ডাটা সেন্টার গড়ে তোলা হচ্ছে, যার ডাউনটাইম শূন্যের কোঠায়।

যৌথভাবে কাজ করবে এটুআই ও এনবিআর

প্রধানমন্ত্রীর কার্যালয়ের এসএসএফ ব্রিফিং রুমে সম্প্রতি অ্যাকসেস টু ইনফরমেশন (এটুআই) প্রোগ্রাম ও জাতীয় রাজস্ব বোর্ডের (এনবিআর) পারস্পরিক সহযোগিতার ভিত্তিতে ইউনিয়ন, পৌরসভা ও সিটি কর্পোরেশনে অবস্থিত ডিজিটাল সেন্টার থেকে রাজস্ব বোর্ডের বিভিন্ন সেবা জনগণের কাছে পৌঁছে দেয়ার লক্ষ্যে একটি সমঝোতা স্মারক স্বাক্ষর হয়। সমঝোতা স্মারক অনুষ্ঠানে অভ্যন্তরীণ সম্পদ বিভাগের সিনিয়র সচিব ও জাতীয় রাজস্ব বোর্ডের চেয়ারম্যান মো: নজিবুর রহমান এবং প্রধানমন্ত্রীর কার্যালয়ের মহাপরিচালক (প্রশাসন) ও এটুআই প্রোগ্রামের প্রকল্প পরিচালক কবির বিন আনোয়ার নিজ নিজ প্রতিষ্ঠানের পক্ষে সমঝোতা স্মারক স্বাক্ষর করেন।



পারস্পরিক সহযোগিতার ভিত্তিতে ডিজিটাল সেন্টার থেকে জাতীয় রাজস্ব বোর্ডের বিভিন্ন সেবা যেমন- ই-টিন রেজিস্ট্রেশন ও রি-রেজিস্ট্রেশন, বিন রেজিস্ট্রেশন ও রি-রেজিস্ট্রেশন এবং গ্রাহক সম্পর্কিত অনলাইন সেবা দেয়ার জন্য সমঝোতা স্মারক স্বাক্ষর হয়েছে।

ডিজিটাল সেন্টারের মাধ্যমে এসব সেবা জনগণের দোরগোড়ায় পৌঁছে দেয়া হবে। ফলে দেশের তৃণমূল পর্যায়ের জনগণ সহজে, দ্রুত ও স্বল্প ব্যয়ে রাজস্ব বোর্ডের সেবাসমূহ গ্রহণ করতে পারবে। এ ছাড়া ডিজিটাল সেন্টারের উদ্যোক্তারা সেবা দেয়ার বিপরীতে আকর্ষণীয় কমিশন লাভ করবে, যা তাদের আয় বাড়াবে ও গুরুত্বপূর্ণ ভূমিকা রাখবে ও ডিজিটাল সেন্টার টেকসই হওয়ার ক্ষেত্রে সহায়ক ভূমিকা পালন করবে।

'ব্যাটার বিজনেস ইন্টারনেট' নিয়ে এলো অজের



নির্ভরযোগ্য ইন্টারনেট সংযোগে নতুন মান নিয়ে এসেছে অজের। বাংলাদেশের করপোরেট গ্রাহকদের জন্য 'দি ব্যাটার বিজনেস ইন্টারনেট' নামে চালু হওয়া এই সেবা দেশজুড়ে ব্যবসায়িক সেবায় উন্নত মান নিয়ে আসবে বলে সংশ্লিষ্টরা জানিয়েছেন। এই উন্নত ইন্টারনেট সেবা দেশে ব্যবসায় খাতে ইন্টারনেট ব্যবস্থাপনায় যেসব প্রতিবন্ধকতা আছে, যেমন- ইন্টারনেট ড্রপ-আউটস, সংযোগ বিচ্ছিন্ন হওয়া, স্পিড স্বল্পতা ও ঝামেলাযুক্ত সেবা ইত্যাদি প্রতিবন্ধকতা থেকে মুক্ত একটি অনন্য সেবা। উচ্চ ক্ষমতাসম্পন্ন ওয়্যারলেস সেবার সাথে বিশেষভাবে নির্বাচিত ফাইবার অপটিক্স সংযুক্ত করে অজের উন্নততর ইন্টারনেট সেবা দেবে, যা উৎকর্ষ ও নির্ভরযোগ্যতার বিবেচনায় সর্বোচ্চ মানের হবে। এর অর্থ হচ্ছে অজেরের করপোরেট গ্রাহকেরা সব সময় যুগপৎভাবে কার্যকর দুটি স্বতন্ত্র নেটওয়ার্কের আওতাধীন থাকবে, যা তাদেরকে যেকোনো পরিস্থিতিতে নিজ নিজ গ্রাহক এবং সরবরাহকারীদের সাথে ইন্টারনেটের মাধ্যমে সংযুক্ত থাকার নিশ্চয়তা দেবে।

অজেরের সিইও ফয়সাল হায়দার বলেছেন, বাংলাদেশে কার্যক্রম চালানো কোম্পানিগুলো দীর্ঘদিন ধরে মুখোমুখি হচ্ছে এমন একটি সমস্যার সমাধান করতে পেরে আমরা অত্যন্ত আনন্দিত। 'দি ব্যাটার বিজনেস ইন্টারনেট'-এর উদ্ভাবন ও বাস্তবায়নে আমরা ইতোমধ্যে বিপুল অর্থ বিনিয়োগ করেছি এবং আমরা অত্যন্ত উচ্ছ্বসিত যে, অবশেষে এই সেবা আমরা গ্রাহকদের কাছে পৌঁছে দিতে পারছি।

২০১৭-১৮ অর্থবছরের প্রস্তাবিত বাজেট সমন্বয়পত্র : ভিসিপিইএবি

সরকারের নির্বাচনী প্রতিশ্রুতি বাস্তবায়ন, মন্দার প্রভাব মোকাবেলায় দেশের অর্থনীতিতে চাহিদা বৃদ্ধি, শিল্পায়ন এবং সোনার বাংলা প্রতিষ্ঠার লক্ষ্যে দিন বদলের সনদ ও ডিজিটাল বাংলাদেশ গড়ার জন্য ২০১৭-১৮ অর্থবছরের প্রস্তাবিত বাজেটকে সমন্বয়পত্র বলে অভিহিত করেছে ভেঞ্চর ক্যাপিটাল অ্যান্ড প্রাইভেট ইকুইটি অ্যাসোসিয়েশন অব বাংলাদেশ (ভিসিপিইএবি)। সম্প্রতি বাংলাদেশ কৃষিবিদ ইনস্টিটিউটে এক সংবাদ সম্মেলনে সংগঠনের নেতারা এ অভিমত ব্যক্ত করেন। বিকল্প বিনিয়োগ ব্যবস্থাকে সম্প্রসারণ ও গতিশীল করার জন্য বিকল্প বিনিয়োগ ব্যবস্থার প্রতি সরকারের বিশেষ গুরুত্বারোপকে ভিসিপিইএবি বিশেষভাবে ধন্যবাদ জানিয়েছে।



সংবাদ সম্মেলনে অ্যাসোসিয়েশনের সভাপতি ও ফেন্স ভেঞ্চর ক্যাপিটালের জেনারেল পার্টনার শামীম আহসান বলেন, এবারের জাতীয় বাজেটে তথ্যপ্রযুক্তি খাতের জন্য বেশ কিছু সুসংবাদ রয়েছে। এর মধ্যে আছে সফটওয়্যারের ওপর থেকে ভ্যাট বাতিল, আইসিটি ডিভিশনে ৩,৯৭৪ কোটি টাকা বরাদ্দ, ল্যাপটপ ও মোবাইল ফোন উৎপাদনে প্রয়োজনীয় যন্ত্রাংশের ওপর থেকে ভ্যাট কমানো। সব মন্ত্রণালয়ের তথ্যপ্রযুক্তি খাতে ১১ হাজার কোটি টাকা বরাদ্দ করার জন্য প্রধানমন্ত্রী, অর্থমন্ত্রী ও আইসিটি প্রতিমন্ত্রীর তিন ধন্যবাদ জানান।

জার্মানিতে জরিমানার আওতায় সামাজিক যোগাযোগমাধ্যম

সামাজিক যোগাযোগমাধ্যমে নীতিবিরোধী কিংবা ঘৃণা ছড়ায় এমন তথ্যের প্রচারে ইতোমধ্যে জেল-জরিমানা হয়েছে অনেকেরই। তবে এবার জরিমানা পোহাতে হতে পারে সামাজিক যোগাযোগমাধ্যমগুলোকেই। সম্প্রতি এমনই একটি আইন পাস করেছে জার্মানি সরকার।

আইনে উল্লেখ করা হয়, ফেসবুক, টুইটারের মতো সামাজিকমাধ্যমগুলোতে নীতিবিরোধী বা ঘৃণাবাদক, আপত্তিকর মন্তব্য বা তথ্যের বিকল্পে কর্তৃপক্ষকে অবহিত করার পরবর্তী ২৪ ঘণ্টার মধ্যে মুছে না ফেললে পাঁচ কোটি ইউরো পর্যন্ত জরিমানা করা হবে।

বাংলাদেশে উইমেন আইসিটি ফ্রন্টিয়ার ইনিশিয়েটিভের যাত্রা শুরু

ডিজিটাল বাংলাদেশের ছায়াতলে নারীদেরকে নিয়ে আসতে সরকার জোর দিচ্ছে। এটাই হলো ডিজিটাল বাংলাদেশের আশাশ্রয় বৈশিষ্ট্য এবং অনুষঙ্গ। তাই বাংলাদেশে ওয়াইফাইয়ের মতো উদ্যোগের প্রবর্তন অত্যন্ত প্রাসঙ্গিক ও সমন্বয়পত্র। সম্প্রতি হোটেল সোনারগাঁওয়ে উইমেন আইসিটি ফ্রন্টিয়ার ইনিশিয়েটিভের (ওয়াইফাই) উদ্বোধনী অনুষ্ঠানে প্রধান অতিথি হিসেবে জাতীয় সংসদের স্পিকার ড. শিরীন শারমিন চৌধুরী এ মন্তব্য করেন। ওয়াইফাই উদ্যোগের যাত্রা শুরুতে স্বাগত জানিয়ে স্পিকার বলেন, তথ্যপ্রযুক্তিতে নারীর সম্পৃক্ততার ফলে এর উপকার সম্পর্কে আমরা সবাই অবগত। টেকসই উন্নয়ন লক্ষ্যমাত্রায় এ সম্পর্কে অভিহিত করা হয়েছে এবং আমরা বিশ্বাস করি, প্রযুক্তিনির্ভর লক্ষ্যগুলো পূরণ করতে সমাজের অর্ধেক জনশক্তি তথা নারীর সম্পৃক্ততা জরুরি।



বিশেষ অতিথির বক্তব্যে মহিলা ও শিশু বিষয়ক মন্ত্রী মেহের আফরোজ চুমকি বলেন, ডিজিটাল বাংলাদেশ বাস্তবায়ন নারী-পুরুষ উভয়ের জন্যই গুরুত্বপূর্ণ। এ প্রকল্প প্রান্তিক পর্যায়ের নারীদের তথ্যপ্রযুক্তি খাতের মূল শ্রোতে নিয়ে আসতে সহযোগিতা করবে এবং নারীর ক্ষমতায়নে গুরুত্বপূর্ণ ভূমিকা পালন করবে।

সভাপতির বক্তব্যে তথ্য ও যোগাযোগ প্রযুক্তি প্রতিমন্ত্রী জুনাইদ আহমেদ পলক বলেন, আমরা লিভারজিং আইসিটি ফর গ্রোথ এমপ্লয়মেন্ট অ্যান্ড গভর্ন্যান্স, সাপোর্ট টু কালিয়াকের হাইটেক পার্ক, লার্নিং অ্যান্ড আর্নিং ডেভেলপমেন্ট প্রকল্পসহ নানাবিধ প্রকল্পের মাধ্যমে প্রায় লক্ষাধিক নারী-পুরুষকে দক্ষতা উন্নয়নে প্রশিক্ষণ প্রদান করেছি। এসব প্রকল্পের প্রশিক্ষণ কার্যক্রমে আমরা ন্যূনতম ৩০ ভাগ নারীকে প্রশিক্ষণের বাধ্যবাধকতা রেখেছি। এ ছাড়া শুধু মহিলাদের জন্য সম্প্রতি 'শি পাওয়ার' নামে আরেকটি প্রকল্প গ্রহণ করা হয়েছে।

ইউএন-এপিসিআইসিটির (এশিয়ান অ্যান্ড প্যাসিফিক ট্রেনিং সেন্টার ফর আইসিটি ফর ডেভেলপমেন্ট) পরিচালক ড. ছয়েন-সুক রি বলেন, তথ্যপ্রযুক্তি খাতের উন্নয়নে জাতিসংঘে বাংলাদেশের পক্ষে তিনি নিজে ভূমিকা রাখবেন। অনুষ্ঠানে আরও বক্তব্য রাখেন বাংলাদেশে যুক্তরাষ্ট্রের রাষ্ট্রদূত মার্সিয়া স্টিফেন ব্রুম বার্নিকাট, বাংলাদেশে অস্ট্রেলিয়ার হাইকমিশনার জুলিয়া নিবলেট, তথ্য ও যোগাযোগ প্রযুক্তি বিভাগের সচিব (ভারপ্রাপ্ত) সুবীর কিশোর চৌধুরী, তথ্য ও যোগাযোগ প্রযুক্তি অধিদফতরের মহাপরিচালক বনমালী ভৌমিক, আইসিটি ডিভিশনের অতিরিক্ত সচিব সুশান্ত কুমার সাহা প্রমুখ।

তথ্যপ্রযুক্তিতে বাংলাদেশের আন্তর্জাতিক সম্মাননা লাভ

বিগত কয়েক বছরের মতো এ বছরেও তথ্যপ্রযুক্তি খাতে বিশ্বের সবচেয়ে সম্মানজনক পুরস্কার 'ওয়ার্ল্ড সামিট অন ইনফরমেশন সোসাইটি (ডব্লিউএসআইএস) পুরস্কার-২০১৭' অর্জন করেছে বাংলাদেশ। জাতিসংঘের আইসিটি সংক্রান্ত বিশেষায়িত সংস্থা আন্তর্জাতিক টেলিকমিউনিকেশন ইউনিয়নের (আইটিইউ) সদর দফতর জেনেভায় গত ১৩ জুন এক আড়ম্বরপূর্ণ অনুষ্ঠানে বাংলাদেশের প্রতিনিধিদের হাতে ডব্লিউএসআইএস পুরস্কার-২০১৭ তুলে দেয়া হয়। বাংলাদেশের পক্ষে পুরস্কার গ্রহণ করেন অ্যাকসেস টু ইনফরমেশন (এটুআই) প্রোগ্রামের প্রকল্প পরিচালক ও প্রধানমন্ত্রীর কার্যালয়ের মহাপরিচালক (প্রশাসন) কবির বিন আনোয়ার। এ সময় বাংলাদেশের মন্ত্রিপরিষদ সচিব মোহাম্মদ শফিকুল আলম, এটুআই প্রোগ্রামের পলিসি অ্যান্ডভাইজর আনীর চৌধুরী, অধ্যাপক ড. খন্দকার সিদ্দিক-ই-রব্বানী, ক্যাপাসিটি ডেভেলপমেন্ট স্পেশালিস্ট মানিক মাহমুদ, উদ্ভাবক ভাস্কর ভট্টাচার্য, মো: খোরশেদ আলম খান, মো: সাখাওয়াতুল ইসলাম ও তানভীর সাদিক উপস্থিত ছিলেন।



এ বছর মোট চারটি মৌলিক উদ্ভাবনী উদ্যোগের জন্য এটুআই 'ডব্লিউএসআইএস' সম্মাননা পেয়েছে। এটুআই প্রোগ্রামের 'মাল্টিমিডিয়া টকিং বুক' উদ্যোগটি চূড়ান্তভাবে প্রথম স্থান অধিকার করে এবং তিনটি উদ্যোগ ঢাকা বিশ্ববিদ্যালয়ের টেলিমেডিসিন প্রজেক্ট, পাবলিক সার্ভিস ইনোভেশনে সোশ্যাল মিডিয়ার ব্যবহার ও ই-নথি রানারআপ হওয়ার গৌরব অর্জন করে।

এএমডি ব্র্যান্ডের ৮ কোরের প্রসেসর



স্মার্ট টেকনোলজিস বাজারে এনেছে এএমডি রাইজেন ৭ ১৭০০ মডেলের নতুন প্রসেসর। ৩.৭ গিগাহার্টজ টার্বো স্পিডের এই ৮ কোর প্রসেসরে রয়েছে এএমডি সেনস এমআই টেকনোলজি, এএমডি এক্সএফআর টেকনোলজি, এএম৪ সকেট, ম্যাক্স টার্বো ফ্রিকোয়েন্সি, ১৬ মেগাবাইট এল৩ ক্যাশ, ৪ মেগাবাইট এল২ ক্যাশ, ডিডিআর৪ সাপোর্ট ও ৬৫ ওয়াট থার্মাল ডিজাইন পাওয়ার। তিন বছরের বিক্রয়োত্তর সেবাসহ দাম ২৮,০০০ টাকা। যোগাযোগ : ০১৭৭৭৭৩৪১৬৮

আসছে ৩৩১০ মডেলের নকিয়ার নতুন ফিচার ফোন



নকিয়া ব্র্যান্ডের নতুন মডেলের একটি ফিচার ফোন বাজারে ছাড়তে যাচ্ছে ফিনল্যান্ডের প্রযুক্তিপণ্য নির্মাতা এইচএমডি গ্লোবাল। এর আগে নকিয়া ৩৩১০ মডেলের ক্লাসিক ফোনটিকে নতুন নকশায় বাজারে ছেড়েছে এইচএমডি গ্লোবাল। নতুন এ ফোনটিকে ঘিরে যে উৎসাহ দেখা গেছে, তাতেই নতুন করে আশা জাগাচ্ছে প্রতিষ্ঠানটিকে। নকিয়ার কাছ থেকে ব্র্যান্ড নাম ব্যবহারের অনুমতি নিয়ে শিগগিরই টিএ-১০১৭ মডেলের ফিচার ফোন আনবে এইচএমডি গ্লোবাল।

চীনের টেনা নামের মোবাইল নিয়ন্ত্রক সংস্থার ওয়েবসাইটে এ ফোনটির তথ্য প্রকাশ করা হয়েছে। ফোনটির নকশা দেখে প্রযুক্তি বিশ্লেষকেরা বলছেন, এটি সাধারণ ফিচার ফোন হবে। এই ফোনটিকে টেকসই ফোন হিসেবে বাজারে ছাড়ার লক্ষ্যে কাজ করছে এইচএমডি। এর আগে বাজারে আসা ৩৩১০ মডেলটি খুব বেশি টেকসই ফোন নয় বলে অভিযোগ উঠেছে। ফোনটিতে কিবোর্ড ও ছোট আকারের ডিসপ্লে আছে। এ ছাড়া ক্যামেরা ও স্পিকার রয়েছে পেছন দিকে। ফোনটি অবশ্য প্রিজি সমর্থন করে না। তবে ফোনটির আরেকটি সংস্করণ থাকবে, যা প্রিজি নেটওয়ার্ক সমর্থন করবে। ফোনটিতে দুই সিম সমর্থন করবে।

এএমডির রাইজেন প্রসেসর



ইউসিসি এএমডি ব্র্যান্ডের নতুন প্রসেসর রাইজেন বাজারে এনেছে। বর্তমানে এই সিরিজের আর ৭ ১৮০০ এক্স, আর ৭ ১৭০০ এক্স ও আর ৭ ১৭০০ বাজারজাত করছে। এই প্রসেসরগুলো ৮ কোর ও ১৬ থ্রেড বিশিষ্ট, যা গেমিংয়ের জন্য উল্লেখযোগ্য ভূমিকা পালন করবে। এই প্রসেসর ১৪ এনএমের, যার এল২ ক্যাশ ৪ এমবি ও এল৩ ক্যাশ ১৬ এমবিবিশিষ্ট। যোগাযোগ : ০১৮৩৩৩৩১৬০১

দেশের বাজারে ডিসিএল ব্র্যান্ডের ইউপিএস



দেশের শীর্ষস্থানীয় তথ্যপ্রযুক্তি পণ্য ও সেবাদানকারী প্রতিষ্ঠান ড্যাফোডিল কমপিউটার্স লিমিটেড ডিসিএল ব্র্যান্ডের ইউপিএস বাংলাদেশের বাজারে এনেছে। ইউপিএসগুলো বাংলাদেশের আবহাওয়ার উপযোগী, পরিবেশবান্ধব ও বিদ্যুৎসাশ্রয়ী। এ ছাড়া ইউপিএসগুলো জেনারেটরের সাথে কম্প্যাটিবল এবং এতে আরও রয়েছে বিল্টইন এভিআর ও ইন্টেলিজেন্ট ব্যাটারি চার্জিং ম্যানেজমেন্ট ফাংশন, যা ইউপিএস ও ব্যাটারিকে দীর্ঘস্থায়ী করে। ডিসিএল ব্র্যান্ডের ডি৬৫০, ডি৮৫০ ও ডি১২০০ মডেলের তিনটি ইউপিএস এখন সারাদেশের কমপিউটার শোরুমগুলোতে পাওয়া যাচ্ছে। যোগাযোগ : ০১৭১৩৪৯৩১৬৮

এসার এম্পায়ার সিরিজের নতুন ল্যাপটপ



স্মার্ট টেকনোলজিস বাজারে এনেছে এসার এম্পায়ার এস৫-৩৭১ মডেলের নতুন ল্যাপটপ। ইন্টেল সপ্তম প্রজন্মের ইন্টেল কোরআই৫ প্রসেসরসম্পন্ন এই ল্যাপটপে রয়েছে ৪ জিবি ডিডিআর৪ র্যাম, ৫১২ জিবি সলিড স্টেট ড্রাইভ, ইন্টেল ৬২০ মডেলের হাইডেফিনিশন গ্রাফিক্স কার্ড, ১৩.৩ ইঞ্চি এসার এইচডি ডিসপ্লে, ওয়াইফাই, ব্লুটুথ ও ব্যাকলিট কিপ্যাড। দুই বছরের বিক্রয়োত্তর সেবা ও আকর্ষণীয় ক্যারি কেসসহ দাম ৭১,২০০ টাকা। যোগাযোগ : ০১৭৩০৩১৭৭৬৪

আইফোন ৮-এ তারহীন চার্জিং প্রযুক্তি



আইফোন ৮-এ যোগ হতে যাচ্ছে তারহীন চার্জিং প্রযুক্তি, মার্কিন টেক জায়ান্ট অ্যাপলের সরবরাহকারী প্রতিষ্ঠানের এক মুখপাত্র এই তথ্য নিশ্চিত করেছেন। গ্রাহক একটি ইন্ডাক্টিভ সারফেসে আইফোন রেখে চার্জ করতে পারবেন- বলা হয়েছে প্রযুক্তিবিষয়ক সংবাদমাধ্যম গেজেট পোস্টের প্রতিবেদনে। স্যামসাংসহ অন্যান্য স্মার্টফোন নির্মাতা প্রতিষ্ঠানগুলো ইতোমধ্যেই বেশ কিছু ডিভাইসে ওয়্যারলেস চার্জিং প্রযুক্তি যোগ করেছে। কিন্তু অ্যাপলের কোনো আইফোনে এ যাবত এই প্রযুক্তি দেখা যায়নি। অ্যাপলের সরবরাহকারী প্রতিষ্ঠান উইস্ট্রোনের প্রধান নির্বাহী রবার্ট হং বলেন, এ বছর নতুন আইফোন ৮-এ বিল্টইন থাকবে ওয়্যারলেস চার্জিং। পানিনিরোধী ও ওয়্যারলেস চার্জিংয়ের মতো নতুন ফিচারগুলোতে এখন ভিন্নতা দরকার এবং পানিবিরোধী ফিচার আইফোন অ্যাসেম্বল প্রক্রিয়াও কিছুটা পরিবর্তন করবে।

টেলিনরের ইগনাইট ইনকিউবেটর কর্মসূচিতে গ্রামীণফোনের বড় জয়

টেলিনরের ইগনাইট ইনকিউবেটর কর্মসূচির প্রথম তিনটি দলের মধ্যে গ্রামীণফোনের কর্মীদের নিয়ে গঠিত দুটি দল স্থান করে নিয়েছে। গ্রামীণফোনের বিজয়ী দলগুলো হচ্ছে স্টারলাইট (গাড়ির জ্বালানি পর্যবেক্ষণের জন্য আইওটিভিত্তিক ব্যবস্থা) ও লিকুইডআই (মোবাইল আর্থিক সেবায় নিয়োজিত কর্মীদের জন্য তাৎক্ষণিক লিকুইডিটি ম্যানেজমেন্ট)। অপর বিজয়ী দলটি হচ্ছে বুলগেরিয়ার সিগন্যাল, যারা দূর থেকে স্মার্টফোন ব্যক্তিগতকরণ ও বয়স্কদের সহায়তা করার ব্যবস্থা নিয়ে কাজ করছে।



বিজয়ী দলগুলোকে টেলিনর গ্রুপের ভেতরে তাদের পণ্যগুলোকে আরও উন্নত করার জন্য প্রয়োজনীয় তহবিল দেয়া হবে। ইগনাইটের লক্ষ্য হচ্ছে এমন ডিজিটাল পণ্য ও সেবা তৈরি করা, যা টেলিনর যেসব দেশে কাজ করছে সেখানকার সমাজে ইতিবাচক ভূমিকা পালন করতে পারে। প্রতিষ্ঠানের অভ্যন্তরে উদ্ভাবনের প্রবণতাকে উৎসাহিত করতে টেলিনরের একটি বিশেষ উদ্যোগ ইগনাইট।

‘কিবলা ফাইন্ডার’ নামে গুগলের নতুন সেবা চালু



মুসলমানদের নামাজ পড়তে সহায়তা করার জন্য ‘কিবলা ফাইন্ডার সার্ভিস’ নামে নতুন সেবা চালু করেছে গুগল। স্মার্টফোন বা মোবাইল ব্যবহারকারীরা নামাজের জন্য দিক নির্ণয় করতে এই সুবিধাটি উপভোগ করতে পারবেন। নতুন এ সেবার মাধ্যমে গ্রাহকেরা মসজিদ পবিত্র কাবা শরিফের সঠিক দিক জানতে পারবেন। গুগলে ‘কিবলা ফাইন্ডার’ অনুসন্ধান করে নতুন এ সেবা উপভোগ করা যাবে। গুগলে অনুসন্ধান করে goo.gl/TVsxjR লিঙ্কে ক্লিক করে অথবা সার্ভিসটিতে গিয়েও কাবা শরিফের সঠিক দিক জানা যাবে। তবে গুগলের নতুন এ সার্ভিসটি স্মার্টফোনে বিল্টইন কম্পাস ব্যবহার করে কাবা শরিফের দিক নির্ণয় করে থাকে। সংস্করণটিতে রয়েছে ডেস্কটপ ভার্সনও। ব্যবহারকারীরা ডেস্কটপের মাধ্যমেও এই সুবিধা নিতে পারেন। গুগল তার এই পরীক্ষামূলক কার্যক্রম চালিয়েছে পূর্ব লন্ডনে। সে ক্ষেত্রে ডিভাইসে কম্পাস বিল্টইন না থাকলে এই সার্ভিস কাজ করবে না।

গিগাবাইট জিএ জেড২৭০এক্স মডেলের নতুন মাদারবোর্ড



স্মার্ট টেকনোলজিস
বাজারে এনেছে
গিগাবাইট জিএ
জে ড ২ ৭ ০ এক্স
মডেলের নতুন

মাদারবোর্ড। ইন্টেলের ষষ্ঠ ও সপ্তম প্রজন্মের প্রসেসর সমর্থিত এই মাদারবোর্ডটিতে রয়েছে ডুয়াল চ্যানেল ডিডিআর৪ র‍্যাম, যা ৬৪ জিবি পর্যন্ত সমর্থন করে, ইন্টেল ৩.১ জেনারেশন টু ইউএসবি টাইপ সি ও টাইপ এ, কিলার ই২৫০০ গেমিং নেটওয়ার্ক, গিগাবিট ল্যান, গিগাবাইট ইউইএফআই ডুয়াল বায়োস, এক্সট্রিম ৪০ গিগাবিট পার সেকেন্ড থান্ডারবোল্ট এবং থ্রি ওয়ে গ্রাফিক্স সাপোর্ট। তিন বছরের বিক্রয়োত্তর সেবাসহ দাম ২৩,০০০ টাকা।

সাফারার নিট্রো রাডেওন আরএক্স ৫০০ সিরিজের গ্রাফিক্স কার্ড



ইউসিসি বাজারজাত করছে বিশ্বখ্যাত সাফারার ব্র্যান্ডের আরএক্স ৫০০ সিরিজের গ্রাফিক্স কার্ড। চতুর্থ জেনারেশন প্রযুক্তি ও উচ্চ ক্ষমতাসম্পন্ন গ্রাফিক্সের গেমিংয়ের জন্য পরিচালিত কার্ডগুলো সর্বোচ্চ ৮ জিবি আকারে পাওয়া যাবে। ২৩০৪ স্ট্রিম প্রসেসরযুক্ত ২০০০ মেগাহার্টজ মেমরি ক্লকস্পিড ও সর্বোচ্চ ৫টি ডিসপ্লে পাওয়া যাবে। যোগাযোগ : ০১৮৩৩৩৩১৬৩২।

ইন্টারনেটের দাম নির্ধারণের প্রক্রিয়া শুরু

মোবাইল ইন্টারনেটের প্রকৃত দাম কত হওয়া উচিত, তা নির্ধারণে কস্ট মডেলিংয়ের বহু প্রতীক্ষিত কার্যক্রম শুরু করেছে টেলিযোগাযোগ নিয়ন্ত্রণ কমিশন তথা বিটিআরসি। আন্তর্জাতিক টেলিযোগাযোগ ইউনিয়নের দু'জন বিশেষজ্ঞ এ জন্য কাজ শুরু করেছেন। তারা ধারাবাহিকভাবে বিটিআরসি ও অপারেটরগুলোর কর্মকর্তাদের সাথে কর্মশালা করছেন। আগামী কয়েক মাসের মধ্যে তারা ইন্টারনেটের দামের বিষয়ে প্রতিবেদন দেবেন। এর মাধ্যমে দেশে ইন্টারনেট ডাটার প্রকৃত দাম কত হওয়া উচিত, তা নির্ধারিত হবে। এর আগে বিটিআরসি ভয়েস কল ও এসএমএসের কস্ট মডেলিং করে উচ্চ ও নিম্নসীমা বেঁধে দিলেও ইন্টারনেট ডাটার ক্ষেত্রে এটি কখনও হয়নি। এদিকে তিন দিনের বৈঠকে বিশেষজ্ঞেরা অপারেটরগুলোর কাছে তাদের সংশ্লিষ্ট সব ব্যয় ও আয়ের তথ্য চেয়েছেন। পরে এগুলো পর্যালোচনা করে ডাটার সর্বোচ্চ ও সর্বনিম্ন সীমা বেঁধে দেয়া হবে। এ বিষয়ে বিটিআরসির চেয়ারম্যান ড. শাহজাহান মাহমুদ বলেন, ডাটার কস্ট মডেলিং হলে গ্রাহকেরা প্রকৃত দামে ইন্টারনেট ব্যবহার করতে পারবেন।

ওয়ালটনের এনএইচ সিরিজের নতুন স্মার্টফোন



প্রিমো এনএইচ সিরিজের নতুন দুই মডেলের স্মার্টফোন এনেছে ওয়ালটন। এর একটি 'প্রিমো এনএইচ৩'। অপরটি 'প্রিমো এনএইচ৩ লাইট'। শাস্যী মূল্যের উভয় ফোনেই রয়েছে মাল্টিটাস্কিং সুবিধা। দেশের সব ওয়ালটন প্লাজা ও ব্র্যান্ডেড আউটলেটে পাওয়া যাচ্ছে নতুন এই ফোন দুটি। এনএইচ৩ স্মার্টফোনের দাম ৭,৭৯০ টাকা আর এনএইচ৩ লাইটের ৬,৪৯০ টাকা। দুটি ফোনই কফি, কালো ও সোনালি তিনটি ভিন্ন রঙে পাওয়া যাচ্ছে। থাকছে এক বছরের ফ্রি বিক্রয়োত্তর সেবা।

ওয়ালটন সেলুলার ফোন গবেষণা ও উন্নয়ন বিভাগের ডেপুটি ডিরেক্টর আরিফুল হক রায়হান জানান, সুদৃশ্য আউটলুকের এনএইচ৩ ও এনএইচ৩ লাইট মডেলের স্মার্টফোনে ব্যবহার হয়েছে ৫.৫ ইঞ্চির এইচডি আইপিএস প্রযুক্তির ২.৫ডি কার্ভড (বাকানো) গ্লাসের ডিসপ্লে। ফলে মুক্তি দেখা, গেম খেলা, বই পড়া বা ইন্টারনেট ব্রাউজিংয়ে মিলবে উন্নত অভিজ্ঞতা। ১.৩ গিগাহার্টজের কোয়ড কোর প্রসেসর দেবে উচ্চগতির নিশ্চয়তা। গ্রাফিক্স হিসেবে থাকছে মালি-৪০০। ফলে গেম খেলা বা মুক্তি দেখা হবে নির্বাহ্য অ্যান্ড্রয়েডের সর্বশেষ সংস্করণ নুগাটচালিত ফোন দুটির দীর্ঘ পাওয়ার ব্যাকআপ নিশ্চিত রয়েছে ২৮০০ মিলিঅ্যাম্পিয়ার লি-আয়ন ব্যাটারি।

তিনি আরও জানান, এনএইচ৩ মডেলের র‍্যাম ২ গিগাবাইটের। আর ইন্টারনাল স্টোরেজ ১৬ গিগাবাইট। অন্যদিকে এনএইচ৩ লাইটের র‍্যাম ১ গিগাবাইটের। ইন্টারনাল স্টোরেজ ৮ গিগাবাইট। উভয় ফোনে এসডি কার্ডের মাধ্যমে ৬৪ গিগাবাইট পর্যন্ত মেমরি বাড়ানো যাবে। এনএইচ৩ মডেলে রয়েছে বিএসআই সেন্সরযুক্ত অটোফোকাস ও এলইডি ফ্ল্যাশসহ ১৩ মেগাপিক্সেল রিয়ার ক্যামেরা। অপরদিকে এনএইচ৩ লাইট মডেলে রয়েছে বিএসআই সেন্সরযুক্ত অটোফোকাস ও এলইডি ফ্ল্যাশসহ ৮ মেগাপিক্সেল রিয়ার ক্যামেরা। যাতে ফুল এইচডি (১০৮০ বাই ১৯২০) মোডে ভিডিও ধারণ করা যাবে। সেলফিপ্রেমীদের জন্য উভয় ফোনে থাকছে বিএসআই সেন্সরযুক্ত ৫ মেগাপিক্সেল ফ্রন্ট ক্যামেরা। উভয় ফোনের ফ্রন্টে এলইডি ফ্ল্যাশ থাকায় অন্ধকার বা কম আলোতেও স্পষ্ট ছবি তোলা যাবে। ক্যামেরায় নরমাল মোড ছাড়াও আছে ফেস বিউটি, ফেস ডিটেকশন, ডিজিটাল জুম, সেলফ-টাইমার, অটো-ফোকাস, কন্টিনিউয়াস ফোকাস, টাচ ফোকাস, হোয়াইট ব্যালান্স, এইচডিআর, প্যানোরমা, সিন মোডসহ বিভিন্নভাবে ছবি তোলার সুবিধা।

উল্লেখ্য, দেশের সব ওয়ালটন প্লাজা ও ব্র্যান্ডেড আউটলেটে শূন্য শতাংশ ইন্টারেস্টে ৬ মাসের ইএমআই সুবিধায় কেনা যাচ্ছে যেকোনো মডেলের ওয়ালটন স্মার্টফোন। একই সাথে ১২ মাসের কিস্তি সুবিধাও রয়েছে। আইএসও স্ট্যান্ডার্ড সার্ভিস ম্যানেজমেন্ট সিস্টেমের আওতায় সারাদেশে পৌঁছে দেয়া হচ্ছে দ্রুত ও সর্বোত্তম বিক্রয়োত্তর সেবা।

১৩,৫০০ টাকায় নতুন ল্যাপটপ!

যুক্তরাষ্ট্রভিত্তিক ব্র্যান্ড 'আই-লাইফ' দেশের বাজারে 'জেড এয়ার মিনি' ল্যাপটপের সাথে ফ্রি পোলো শার্ট দিচ্ছে। দুবাই থেকে সরাসরি আমদানি করা ল্যাপটপটি অফিস এক্সিকিউটিভ ও ছাত্রছাত্রীদের দৈনন্দিন কাজের জন্য উপযোগী।



১০.৬ ইঞ্চি আইপিএস ডিসপ্লের এই ল্যাপটপটিতে রয়েছে পাওয়ারফুল ইন্টেল প্রসেসর ও জেনুইন উইন্ডোজ ১০ অপারেটিং সিস্টেম। এই বাজেট ল্যাপটপটি দিয়ে প্রয়োজনীয় সব ধরনের কাজ করা যাবে। মাইক্রোসফট অফিস, অটো ক্যাড ও ফটোশপ সাপোর্ট করে। অফিসের গুরুত্বপূর্ণ ই-মেইল, প্রেজেন্টেশন, দ্রুতগতির ইন্টারনেট ব্রাউজিং, এইচডি মুভি দেখাসহ সব ধরনের কাজ করা যাবে।

২ জিবি মেমরি, ৩২ জিবি ইন্টারনাল স্টোরেজের ল্যাপটপটির স্টোরেজ এসডি কার্ড দিয়ে বাড়ানো যাবে। সব ধরনের এক্সটারনাল ডিভাইস ও হার্ডডিস্ক সাপোর্ট করবে। ৯০০ গ্রাম ওজনের এই স্লিম ল্যাপটপটি সহজে বহনযোগ্য। আকর্ষণীয় ডিজাইনের ল্যাপটপটি সিলভার, গ্রে ও পিঙ্ক কালারে পাওয়া যাচ্ছে। ল্যাপটপটি রাইয়াস কমপিউটারস ও কমপিউটার ভিলেজের সব শোরুমে পাওয়া যাচ্ছে।

ইয়াহুকে কিনে নিয়েছে প্রযুক্তি প্রতিষ্ঠান ওথ আইএনসি



ইয়াহু আর কোনো স্বাধীন প্রতিষ্ঠান হিসেবে থাকছে না। ইয়াহুকে কিনে নেয়ার সব ধরনের আনুষ্ঠানিকতা শেষ করেছে যুক্তরাষ্ট্রের ভেরাইজন। ১৯৯৫ সালে যাত্রা শুরু করে ইয়াহু অল্পদিনের মধ্যে একদিকে পায় জনপ্রিয়তা, অন্যদিকে বাণিজ্যিক সফলতায়ও এগিয়ে যায় কোম্পানিটি। ৪৪৮ কোটি মার্কিন ডলারে ইয়াহুকে কিনে নিয়েছে যুক্তরাষ্ট্রের প্রযুক্তি প্রতিষ্ঠান ওথ আইএনসি।

ইয়াহু ও এওএলকে নিয়ে একটি নতুন ডিজিটাল মিডিয়া কোম্পানি তৈরি করছে ভেরাইজন। নতুন ওই কোম্পানির নাম 'ওথ'। ওথ ইয়াহুকে কিনে নেয়ার পর প্রতিষ্ঠানের প্রধান নির্বাহী মারিসা মেয়ারও পদত্যাগ করছেন ইয়াহু থেকে।

সিএনএনে প্রকাশিত খবরে বলা হয়েছে, ইয়াহু ও এওএলকে নিয়ে তৈরি ভেরাইজনের লক্ষ্য হলো- ইয়াহুর নেটওয়ার্ক কাজে লাগিয়ে ফেসবুক, গুগলের মতো অনলাইন বিজ্ঞাপনী প্রতিষ্ঠান গড়ে তোলা। ইয়াহুকে অধিগ্রহণের ফলে ইন্টারনেটের জনপ্রিয় একটি প্রতিষ্ঠানের একটি যুগের সমাপ্তির অপেক্ষা মাত্র।

ঈদের পরও স্মার্টের ঈদ অফার



পরিবেশিত উপলক্ষে স্মার্ট টেকনোলজিস পরিবেশিত এসার ও ডেল ল্যাপটপের ওপর ঘোষিত ঈদ অফারগুলো ঈদ-পরবর্তী সময়েও

চলবে। অফার অনুযায়ী স্মার্ট টেকনোলজিস পরিবেশিত যেকোনো এসার ল্যাপটপ কিনলেই ক্রেতাসাধারণ পাচ্ছেন একটি স্ক্যাচকার্ড, যা ঘষে জিতে নিতে পারবেন ঢাকা-কুয়াললামপুর-ঢাকা এয়ার টিকেট, ঢাকা-কাঠমুড়ু-ঢাকা এয়ার টিকেট, ৪২ ইঞ্চি এলইডি টিভি, ডিপ ফ্রিজ, মাইক্রোওয়েভ ওভেন, সাইকেল, প্রাইজবন্ড, শপিং ভাউচারসহ অসংখ্য নিশ্চিত উপহার। অন্যদিকে স্মার্ট টেকনোলজিস পরিবেশিত নির্দিষ্ট সিরিজের ডেল ল্যাপটপ কিনলেই কাস্টমারেরা স্ক্যাচকার্ড ঘষে পাচ্ছেন এয়ারকন্ডিশন, এলইডি টিভি, ঢাকা-কাঠমুড়ু-ঢাকা এয়ার টিকেট, মাইক্রোওয়েভ ওভেন, সাইকেল, ব্রেডার, আয়রন, শপিং ভাউচার এবং প্রাইজবন্ডসহ নিশ্চিত উপহার। উল্লেখ্য, এই অফারগুলো স্টক থাকা পর্যন্ত চলবে।

ভিভিটেকের নতুন হোম সিনেমা প্রজেক্টর



তাইওয়ানের বিশ্বখ্যাত ব্র্যান্ড ভিভিটেকের হোম সিনেমা প্রজেক্টর এইচ ১১৮৬ বাজারে নিয়ে এলো গ্লোবাল ব্র্যান্ড। আধুনিক এই প্রজেক্টরে রয়েছে ২০০০ আঙ্গি লুমেন, ৭০০০ ঘণ্টা পর্যন্ত ল্যাম্প লাইফ। এ ছাড়া রয়েছে ফুল এইচডি রেজুলেশন, ডিএলপি ডার্কচিপ ও ৬ ধরনের (আরজিবি) দুর্দান্ত কালার টেকনোলজি। এর আরও বিশেষত্ব রয়েছে ৫০০০:১ কন্ট্রাস্ট রেশিও, ১০ ওয়াট থ্রিডি ডায়নামিক অডিও স্পিকার, ইন্টিগ্রেটেড ক্লোজ ক্যাপশন ডিকোডিং এবং আর্টিক্যাল লেন্স বদলের অসাধারণ ক্ষমতা। এইচডিএমআই ১.৪ বাই ২, ইউএসবি এ (পাওয়ার), ইউএসবি বি (সোর্স)-এর উন্নত সুবিধা। দাম ৮৫,০০০ টাকা। রয়েছে দুই বছরের বিক্রয়গোত্র সেবা। যোগাযোগ : ০১৯১৫৪৭৩০৫৯

আইভোমি ব্র্যান্ডের স্পিকার



দেশের বাজারে আইভোমি ব্র্যান্ডের স্পিকার বাজারজাত করছে ইউসিসি। এগুলো হলো- আইভিও-২৪৫, আইভিও-২৫৮, আইভিও-১৬৩০-ইউ, আইভিও-১৬১০ইউ ও আইভিও-১৬০০এস। প্রথম মডেল তিনটির বৈশিষ্ট্য হলো এলইডি ডিসপ্লে, রিমোট কন্ট্রোল ও ইউএসবি/এসডি স্লট ও এফএম ফাউন্ডেশন সাপোর্টেড। আর শেষ মডেলের স্পিকার দুটি ইউএসবি কার্ড রিডার ও রিমোট কন্ট্রোল সাপোর্টেড। স্পিকারগুলো ২.১ চ্যানেলে পাওয়া যাবে। যোগাযোগ : ০১৮৩৩৩৩১৬০১

'ফ্যানটেক্স' গেমিং কেস



বিশ্ববিখ্যাত গেমিং কেসিং ব্র্যান্ড 'ফ্যানটেক্স' এখন বাংলাদেশে। প্রতিষ্ঠানটি নিয়ে এসেছে 'ইনথো সিরিজ' ও 'ইকলিপস সিরিজ'। এই সিরিজে ১৩টি মডেল অফার করা হচ্ছে। আধুনিক এই ব্র্যান্ডটিতে আছে প্রিমিয়াম গেমিং কেস, যার মধ্যে রয়েছে আকর্ষণীয় কালার অপশন, বিশেষ মেটাল কোয়ালিটি, স্টেম্পার গ্লাস মডেল ও পিসি এসথেটিক কনফিগারেশনের জন্য আদর্শ। বিশেষভাবে নির্মিত ফ্যানটেক্সে আছে আরজিবি এলইডি লাইট কন্ট্রোল এবং ইলুমিনেশন, প্রিমিয়াম ফ্যান প্রি-লোডেড, ওয়াটার কুলিং সুবিধা, মিডটাওয়ার থেকে আন্ট্রাটাওয়ার মডেল, যা একে ভিন্ন করে তুলেছে এই প্রতিযোগিতামূলক বাজারে। গ্লোবাল ব্র্যান্ড প্রাইভেট লিমিটেড ফ্যানটেক্সের একমাত্র সোলডিস ট্রিবিউটর এবং সুলভ মূল্যের এই প্রোডাক্টটি এখন পাওয়া যাচ্ছে গ্লোবাল ব্র্যান্ডের সব শোরুম ও নির্ধারিত ডিলার হাউসে। যোগাযোগ : ০১৯৬৯৬৩৩১৫৮

ট্রাসসেন্ড পার্সোনাল ক্লাউড স্টোরেজ



গ্রাহকদের অধিক পরিমাণ ডাটা ও প্রয়োজনীয় অডিও-ভিডিও ফাইল সংগ্রহ, সংরক্ষণসহ প্রয়োজনীয় কাজে ব্যবহারের জন্য ট্রাসসেন্ড দেশের বাজারে এনেছে পার্সোনাল ক্লাউড স্টোরেজ। স্টোরেজ টি ২১-কে মডেলের এই ক্লাউড স্টোরেজ সর্বাধিক ৮ টিবি ধারণক্ষমতাসম্পন্ন। আপনার স্মার্টফোন, ল্যাপটপ, ডেস্কটপ অথবা যেকোনো ইন্টারনেট ব্যবহারযোগ্য ডিভাইস থেকে ট্রাসসেন্ডের অ্যাপসের মাধ্যমে যেকোনো ফাইল ক্লাউড স্টোরেজে সংরক্ষণ করা সম্ভব। পৃথিবীর যেকোনো প্রান্ত থেকেই আপনি ডাটা সংরক্ষণ করতে পারবেন। যোগাযোগ : ০১৮৩৩৩৩১৬০২

জোট্যাক ১০৮০টিআই এএমপি এক্সট্রিম গ্রাফিক্স কার্ড



ইউসিসি সম্প্রতি বাজারজাত করছে বিশ্বখ্যাত জোট্যাক ব্র্যান্ডের নতুন গ্রাফিক্স কার্ড জিটিএক্স ১০৮০ টিআই এএমপি এক্সট্রিম এডিশন। সম্পূর্ণ নতুন প্রযুক্তির ও উচ্চ ক্ষমতাসম্পন্ন গ্রাফিক্স গুরুতর গেমিংয়ের জন্য পরিকল্পিত কার্ড। এর ১১ জিবি সংরক্ষণ, যা জিডিডিআরএক্স মেমরিতে প্রস্তুত ও যা পরবর্তী প্রজন্মের কনটেন্ট দিয়ে সজ্জিত। ২ ওয়ে এসএলআই সাপোর্টেড এই কার্ডগুলোর ম্যাক্সিমাম চারটি ডিসপ্লে আউটপুট হিসেবে পাওয়া যাবে। যোগাযোগ : ০১৮৩৩৩৩১৬০২

ওয়ালটনের নতুন ল্যাপটপ বাজারে

ওয়ালটন ল্যাপটপ ইন্টেলের সপ্তম প্রজন্মের প্রসেসরযুক্ত নতুন ল্যাপটপ বাজারে এনেছে ওয়ালটন। ১৫ দশমিক ৬ ইঞ্চি ডিসপ্লে এর এই ল্যাপটপে আছে ২ দশমিক ৪ গিগাহার্টজ গতির কোরআই৩ প্রসেসর। বিল্টইন ইন্টেল এইচডি গ্রাফিক্স ৬২০। ৪ গিগাবাইট ডিডিআর ৪ র‍্যাম। ১ টেরাবাইট হার্ডডিস্ক। ৪ সেলের স্মার্ট লিথিয়াম-আয়ন ব্যাটারি। দাম ৩৫ হাজার ৯৯০ টাকা।



ওয়ালটনের এক বিজ্ঞপ্তিতে বলা হয়েছে, সপ্তম প্রজন্মের প্রসেসর ছাড়াও আরও কয়েকটি মডেলের ল্যাপটপ বাজারে ছেড়েছে তারা। এর মধ্যে রয়েছে ওয়ালটনের প্যাশন সিরিজের ১৩টি মডেলের ল্যাপটপ। দাম ২৩ হাজার ৯৯০ টাকা থেকে ৫৫ হাজার ৫৫০ টাকা পর্যন্ত। এ ছাড়া ট্যামারিন্ড সিরিজের রয়েছে ১১টি মডেলের ল্যাপটপ। দাম ২২ হাজার ৯৯০ টাকা থেকে ৫৫ হাজার টাকার মধ্যে। কেরোভা ও ওয়াস্কজাম্বু সিরিজের দুটি মডেলের গেমিং ল্যাপটপ বাজারে এনেছে প্রতিষ্ঠানটি। দাম ৭৯ হাজার ৫৫০ ও ৮৯ হাজার ৫৫০ টাকা। ২০ শতাংশ ডাউন পেমেন্ট দিয়ে ১২ মাসের কিস্তিতে ওয়ালটন ল্যাপটপ কেনার সুবিধা রয়েছে।

লেনোভোর নতুন ল্যাপটপ



স্মার্ট টেকনোলজিস বাজারে এনেছে লেনোভো আইডিয়াপ্যাড ৩১০ মডেলের নতুন ল্যাপটপ। ইন্টেল কোরআই৫

প্রসেসরসম্পন্ন এই ল্যাপটপে রয়েছে ১ টেরাবাইট হার্ডড্রাইভ, ৮ জিবি ডিডিআর৪ র‍্যাম, ২ জিবি গ্রাফিক্স কার্ড, ১৫.৬ ইঞ্চি ডিসপ্লে, ওয়াইফাই ও ব্লুটুথ সুবিধা। দুই বছরের বিক্রয়গোত্র সেবাসহ দাম ৪৮,০০০ টাকা। যোগাযোগ : ০১৭০৯৬৪২৫১

ভিউসনিক ব্র্যান্ডের প্রজেক্টর



ইউসিসি বাজারজাত করছে বিশ্বখ্যাত ভিউসনিক ব্র্যান্ডের প্রজেক্টর। বর্তমানে

তিনটি সিরিজের সর্বমোট ৮টি মডেলের প্রজেক্টর বাজারে সরবরাহ করছে ইউসিসি। তিনটি সিরিজের মধ্যে পিজিডি সিরিজের প্রজেক্টরগুলো ৮০০ বাই ৬০০ থেকে ১৯২০ বাই ১০৮০ রেজুলেশন এবং ৩২০০ লুমেনবিশিষ্ট। প্রো সিরিজের প্রজেক্টরগুলো ১০২৪ বাই ৭৬৮ থেকে ৫২০০ লুমেনবিশিষ্ট। এলএস সিরিজের প্রজেক্টরগুলো ১৯২০ বাই ১০৮০ রেজুলেশন এবং ৩৫০০ থেকে ৪৫০০ লুমেনবিশিষ্ট। যোগাযোগ : ০১৮৩৩৩৩১৬০১

কোরসেয়ার ব্র্যান্ডের নতুন পাওয়ার সাপ্লাই



স্মার্ট টেকনোলজিস বাজারে নিয়ে এসেছে কোরসেয়ার ব্র্যান্ডের সিএস সিরিজের মডিউলার সিএস৬৫০এম মডেলের পাওয়ার সাপ্লাই। ৮০ প্লাস গোল্ড সার্টিফায়েড ৬৫০ ওয়াটের এই পাওয়ার সাপ্লাইয়ে রয়েছে জিরো আরপিএম ফ্যান মোড ও স্লিভ ফ্যান বেয়ারিং টেকনোলজি। পাওয়ার সাপ্লাইটির ডাইমেনশন ১৫০ বাই ৮৬ বাই ১৪০ মিলিমিটার। এই পাওয়ার সাপ্লাইটি সেসব ডেস্কটপ ব্যবহারকারীর জন্য অত্যন্ত কার্যকর, যারা ভালো গ্রাফিক্স কার্ড ব্যবহার করেন ও কম বিদ্যুৎ খরচ, কম আওয়াজ এবং সহজ ইনস্টলেশন পছন্দ করেন। তিন বছরের বিক্রয়োত্তর সেবাসহ দাম ১০,৫০০ টাকা। যোগাযোগ : ০১৭৫৫৬০৬২৮৯ ◆

কমপিউটারকে শতভাগ নিরাপত্তা দিচ্ছে পাভা সিকিউরিটি

যেকোনো ধরনের ম্যালওয়্যার ও অনলাইন হুমকির বিরুদ্ধে রিয়েল টাইম সুরক্ষা দিচ্ছে ক্লাউড প্রযুক্তির অ্যান্টিভাইরাস পাভা সিকিউরিটি। পাভা অ্যান্টিভাইরাসে আছে শক্তিশালী অ্যান্টি-ম্যালওয়্যার ইঞ্জিন, যাতে ব্যবহার করা হয়েছে কালেকটিভ ইন্টেলিজেন্স, লোকাল সিগনেচার, হিউরিস্টিক টেকনোলজিস, বিহেভিওরিয়াল অ্যানালাইসিস এবং অ্যান্টি-এক্সপ্লয়েট টেকনোলজিসসহ বিভিন্ন ভাইরাস শনাক্তকরণ কৌশল, যা যেকোনো ধরনের শক্তিশালী ম্যালওয়্যার ও অনলাইন হুমকির বিরুদ্ধে সক্রিয়ভাবে কাজ করে এবং কমপিউটারকে শ্লো না করে শতভাগ ভাইরাস ডিটেকশনের মাধ্যমে নিরাপত্তা প্রদান করে সম্পূর্ণ ভাইরাসমুক্ত রাখে। তা ছাড়া শিডিউল স্ক্যান এবং অন-ডিম্যান্ড স্ক্যান সুবিধার মাধ্যমে সিস্টেমকে সম্পূর্ণ স্ক্যান, ক্রিটিকাল এরিয়া স্ক্যান ও কাস্টম স্ক্যান করা যায়।



ঢাকা, চট্টগ্রাম, সিলেট, রাজশাহী, খুলনা, যশোর, রংপুর, বগুড়া, কক্সবাজার, ফেনী ও নোয়াখালীসহ বাংলাদেশের সব জেলার যেকোনো কমপিউটার মার্কেটে পাওয়া যাচ্ছে পাভা অ্যান্টিভাইরাস। পাভা সিকিউরিটির একমাত্র পরিবেশক গ্লোবাল ব্র্যান্ড প্রাইভেট লিমিটেড। যোগাযোগ : ০১৯৭৭৪৭৬৫৪১ ◆

বাজারে লেনোভোর নতুন চমক

লেনোভোর অনুমোদিত পরিবেশক গ্লোবাল ব্র্যান্ড বাজারে এনেছে ফুল এইচডি ডিটারজেবল ট্যাব কাম নোটবুক। ১০ ইঞ্চি ট্যাবলেট ও পিসি লেনোভো মিক্স ৩১০-এর বৈশিষ্ট্য হলো এতে প্রয়োজনে কিবোর্ড থেকে ডিসপ্লে আলাদা করা যায়। ফুল এইচডি (১২৮০ বাই ৮০০ পিক্সেল) ডিসপ্লে, ২ জিবি ডিডিআর৩



এল মেমরি, ৬৪ জিবি ইন্টারনাল মেমরি। ল্যাপটপটিতে আরও আছে ১০ ইঞ্চি এইচডি এলইডি ১০ পয়েন্ট মাল্টিটাচ ডিসপ্লে, ১০ ঘণ্টা ব্যাটারি ব্যাকআপ, ২০ ওয়াটস এসি অ্যাডাপ্টার, ডক কিবোর্ড ও টাচবোর্ড, জি সেন্সর ও হল সেন্সর। লেনোভোর এই ট্যাব কাম নোটবুকটির প্যাড ওজন ১.২ পাউন্ড (.৫৮ কেজি) ও কিবোর্ড ডক ওজন ১.১৫ পাউন্ড (.৫২ কেজি)। এক বছরের ইন্টারন্যাশনাল ওয়ারেন্টিসহ ল্যাপটপটি পাওয়া যাচ্ছে গ্লোবাল ব্র্যান্ডের সব শোরুমে। দাম ২৫,০০০ টাকা ◆

রেভিট আর্কিটেকচার কোর্সে ভর্তি

ইঞ্জিনিয়ারিং স্টাফ কলেজ, বাংলাদেশে (ইএসসিবি) রেভিট আর্কিটেকচার ট্রেনিং কোর্সে ভর্তি চলছে। ৬৩ ঘণ্টার কোর্সটি প্রতি শনি, সোম, বুধবার ক্লাস। কোর্স শেষে সার্টিফিকেট দেয়া হবে। যোগাযোগ : ০১৯১১৩৯১৪০৭ ◆

এইচপি এলিট সিরিজের মনিটর বাজারে



স্মার্ট টেকনোলজিস বাজারে এনেছে এইচপি এলিট ডিসপ্লে সিরিজের তিনটি মডেলের নতুন এলইডি মনিটর। ২১.৫ ইঞ্চি, ২৩ ইঞ্চি এবং ২৪ ইঞ্চি আকৃতির এই আইপিএস এলইডি মনিটরগুলোর ভিউ অ্যাঙ্গেল ১৭৮ ডিগ্রি হরাইজন্টাল এবং ১৭৮ ডিগ্রি ভার্টিক্যাল, ব্রাইটনেস ২৫০ সিডি/এম স্কার, কন্ট্রাস্ট রেশিও ১০০০:১ স্ট্যাটিক এবং ৫০০০০০:১ ডায়নামিক। মনিটরটির রেসপন্স টাইম ৭ মিলিসেকেন্ড এবং আসপেক্ট রেশিও ১৬:৯। মনিটরটিতে এইচডিএমআই, ভিজিএ, ডিসপ্লে ও ইউএসবি পোর্ট রয়েছে। তিন বছরের বিক্রয়োত্তর সেবাসহ ২১.৫ ইঞ্চি, ২৩ ইঞ্চি ও ২৪ ইঞ্চির দাম যথাক্রমে ১৩৮০০ টাকা, ১৭৫০০ টাকা ও ২৪৫০০ টাকা। যোগাযোগ : ০১৭৩০৭০১৯১৪ ◆

ওরাকল সার্টিফিকেশন কোর্সে ভর্তি

ইঞ্জিনিয়ারিং স্টাফ কলেজ, বাংলাদেশে (ইএসসিবি) আরডিবিএমএস প্রোগ্রামিং উইথ ওরাকল ১০জি ও ডেভেলপার ১০জি ট্রেনিং কোর্সে ভর্তি চলছে। ৭০ ঘণ্টার কোর্সটি প্রতি শুক্রবার ক্লাস। কোর্স শেষে সার্টিফিকেট দেয়া হবে। যোগাযোগ : ০১৯১১৩৯১৪০৭ ◆

ভিউসনিক গেমিং মনিটর



ইউসিসি সম্প্রতি বাজারজাত করছে ভিউসনিক গেমিং এক্সজি সিরিজের মনিটর। টিএন প্যানেল সংবলিত এই মনিটরগুলোর প্রধান বৈশিষ্ট্য হচ্ছে ১৪৪ হার্টজের সুবিধা, যা গেমারদের জন্য অত্যন্ত প্রয়োজনীয়। এই ২৪ ও ২৭ ইঞ্চি মনিটরে পাবেন ১ এমএস রেসপন্স টাইম, যা গেমারদের জন্য উল্লেখযোগ্য ভূমিকা পালন করে। এই সিরিজের এক্সজি৩২ডি২-সি মডেল প্রধান বৈশিষ্ট্য হচ্ছে নতুন টেকনোলজি কার্ড মনিটর ও সাথে গেমিং সব ফিচার পাবেন। এই মনিটরগুলোতে আরও পাবেন বিল্টইন স্পিকার। যোগাযোগ : ০১৮৩৩৩৩১৬০১ ◆

সিউ নেটওয়ার্ক লেভেল প্রিন্টার

বাজারে গ্লোবাল ব্র্যান্ড নিয়ে এসেছে কোরিয়ান ব্র্যান্ড সিউর এলকে-বি২৪ নেটওয়ার্ক লেভেল প্রিন্টার। অত্যন্ত আকর্ষণীয় ডিজাইনের ৪ ইঞ্চি খারমাল ট্রান্সফার ও ডিরেক্ট প্রযুক্তিতে তৈরি প্রিন্টারটি ১২৭ মিমি/সেকেন্ড গতিতে প্রিন্ট করে। প্রিন্টারটিতে রয়েছে ২০ মিলিমিটার থেকে ১১৪ মিলিমিটার রোলের পেপার বসানোর সুবিধা। এর ইন্টারফেস হলো ইউএসবি, আরএস-২৩২সি ও আছে ইথারনেট। দুই কেজি ওজনের এ



প্রিন্টারটিতে রয়েছে পেপার সেন্সর, যা পেপার রোল শেষ হওয়ার পূর্বেই সিগনাল দেয়। ব্যাংক, ল্যাবরেটরি, রিটেইল শপ, ওয়ারহাউস, হসপিটাল, ফার্মেসি, কুরিয়ার, লাইব্রেরি ও ব্যাগেজট্যাগ হিসাবে ব্যবহার হয়। অত্যাধুনিক এই প্রিন্টারটি পাওয়া যাচ্ছে গ্লোবাল ব্র্যান্ডের সব শোরুমে। যোগাযোগ : ০১৯৭৭৪৭৬৪৩০ ◆

থার্মালটেক টাফপাওয়ার এসএফএক্স পিএসইউ



থার্মালটেকের বাংলাদেশে বাজারজাতকারী প্রতিষ্ঠান ইউসিসি সম্প্রতি বাজারজাত করছে টাফপাওয়ার এসএফএক্স সংস্করণের পাওয়ার সাপ্লাই। এসএফএক্স সংস্করণের প্রধান বৈশিষ্ট্য হচ্ছে আকারে ছোট। বর্তমানে হাই কনফিগারের সাথে আকারে ছোট চেসিস চাহিদা বেড়েই চলেছে এবং মূলত এই এটিএক্স চেসিসগুলোর জন্য এসএফএক্স সংস্করণের পিএসইউ ব্যবহার হয়ে থাকে। বর্তমানে এই সিরিজের টাফপাওয়ার এসএফএক্স ৪৫০ ডব্লিউ গোল্ড ইউসিসি বাজারজাত করছে এবং এর জন্য যে মডেলের চেসিস পাওয়া যাচ্ছে সেটি হলো থার্মালটেক কোর জি৩ ব্ল্যাক। যোগাযোগ : ০১৮৩৩৩৩১৬০২ ◆